



COMUNU DE CABUDERRA

Tzitadi Metropolitana de Casteddu

DELIBERATZIONI DE SA GIUNTA COMUNALI N. 2 DE SU 11/01/2023

OGETU: *VARIATZIONI STRUTURA COMUNALI PO S' ESERCÌTZIU DE IS FUNTZIONIS PAESAGÌSTICAS CUNFORMA A SA L.R. 28-1998.*

S'annu 2023, s' 11 de su mesi di Gennàrgiu a ora de is 12.00, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi s'ghint:

Nòmmini e Sangunau

Beniamino Garau
Dessi Donatella
Frongia Pietro
Montis Giovanni
Sorgia Silvia
Solinas Marco
Garone Katiuscia

Càrriga

Sìndigu
Assessori
Assessori
Assessori
Assessori
Assessori
Assessori

Presenti

Eja
Eja
Eja
Eja
Eja
Eja
Eja

Presentis: 7

Ausentis: 0

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

SA GIUNTA COMUNALI

Postu chi:

- cun deliberatzioni de su 30 de argiolas 2009, n. 37/11, sa Giunta Regionali at adotau is critèrius po averiguai is rechisius de organizatzioni e de cumpetèntzia tècnicu-scientìfica in is sugetus delegaus a s' esercìtziu de is funtzionis paesagìsticas cunforma a sa L.R. 12 de austu 1998, n.28, ponendi in aplicu is artìculus 146 e 159 de su D.Lgs de su 22 de gennàrgiu 2004;
- cunforma a s' art.146, puntu 6, de su D.Lgs. 22 de gennàrgiu 2004 n.42, is struturas comunalis delegadas a s' esercìtziu de sa funtzioni autorizadora in chistionis de paesàgiu, depint assegurai unu livellu de cumpetèntzia tècnicu e scientìficu comenti si spetat, aici puru depint assegurai sa partzidura intre atividadis de amparu paesagìsticu e exercìtziu de funtzionis aministrativas in matèria urbanìsticu-edilìtzia;
- ponendi in aplicu sa deliberatzioni de sa G.R. n.37/11 de su 30 de su mesi de argiolas 2009, is entis localis titularis de is funtzionis paesagìsticas nci depint trasmiti sa documentatzioni chi pertocat s' istituzioni de sa struttura e sa nòmina de is cumponentis a sa Diretzioni generali de sa Pianificatzioni urbanìstica territoriali e de sa vigilàntzia edilìtzia, po sa verìfica cunforma a s'art. 159 c. 1 de su D.Lgs. 22 de gennàrgiu 2004 n. 42;

Cunsiderau chi cun deliberatzioni de sa Giunta Comunali n. 202 de su 18/11/2009 e n. 91 de su 05/05/2010, s' est istituìda sa struttura comunali "PAESÀGIU" po s' exercìtziu de is funtzionis paesagìsticas atribuidas cunforma a sa L.R. 28/1998, cun nòmina de s' ing. Enrico Concas, comenti a cumponenti ùnicu de sa struttura comunali;

- cun Determinatzioni imbenienti de su Diretori Generali de sa Pianificatzioni Urbanìstica e Territoriali e de sa Vigilàntzia Edilìtzia de s' Assessorau Regionali de is Entis Localis, Finàntzias e Urbanìstica n.1101/DG de su 29/06/2010, a su Comunu de Cabuderra dd' ant arreconnotu s' idoneidadi a s' exercìtziu de sa funtzioni autorizadora in matèria de paesàgiu, cunforma a s' art. 146 de su D.Lgs. 42/2004;

Pigau atu ca cun Decretu n.75 de su 29/12/2022, su Sindigu pro tempore nc' at cunferiu a s' Ing. Porcedda Fabrizio s' incàrrigu de positzioni organizadora de su Setori n. 3, cun is servìtzius chi sighint: Urbanìstica, Gestioni Autorizatziònis Ambientalis, Amparu de su paesàgiu e Gestioni de su Patrimòniu;

Torrada sceda de modificai sa struttura comunali "PAESÀGIU" formalizendi finas sa costituzioni de sa struttura comunali "PAESÀGIU" po s' atribuzioni de is funtzionis chi pertocant su protzedimentu de cuntzessioni de s' autorizazioni paesagìstica;

Sendi chi sena de custa modìfica no iat a essi possìbili s' exercìtziu de is funtzionis paesagìsticas cunforma a sa L.R. 28/1998;

Torrada sceda de nci pesai sa struttura "PAESÀGIU" aici comenti sighint:

- Ing. Fabrizio Porcedda cumponenti e responsàbili de sa struttura "PAESÀGIU";
- Geom. Stefania Sanna cumponenti de sa struttura "PAESÀGIU";

Bida sa deliberatzioni de sa Giunta Regionali n. 37/11 de su 30/07/2009;

Biu s' allegau "A" a sa Deliberatzioni G.R. n. 37/11, cun is critèrius po sa verìfica de is rechisius de organizatzioni e de cumpetèntzia tècnicu-scientìfica de is sugetus delegaus a s' esercìtziu de is funtzionis paesagìsticas cunforma a sa L.R. 12 de austu 1998, n. 28, ponendi in aplicu is artìculus 146 e 159 de su D.Lgs. 22 de gennàrgiu 2004 n. 42;

Biu su D.Lgs. 22 de gennàrgiu 2004 n. 42;

Arriciu parri a favori de cunformidadi tècnica, segundu s' art. 49, puntu 1, de su D.Lgs. n.267/2000, de parti de su Responsàbili de su Setori de cumpetèntzia;

Cun votatzioni a favori e a totòmini,

DELÌBERAT

De pigai atu de su chi ddoi at in premissa;

De torrai a definiri sa strutura comunali "PAESÀGIU" cun is funtzionis chi pertocant su protzedimentu de cuntzessioni de s' autorizatzioni paesagìstica aici comentis s'ighit:

- Ing. Fabrizio Porcedda cumponenti e responsàbili de sa strutura "PAESÀGIU";
- Geom. Stefania Sanna cumponenti de sa strutura "PAESÀGIU";

De autorizai a s' Ing. Enrico Concas, in calidadi de responsàbili de sa strutura "PAESÀGIU", a sa definitzioni de is protzedimentus de autorizatzioni paesagìstica in s'interis de arriciri s' autorizatzioni regionali a s' Ing. Fabrizio Porcedda, giai incarrigau cun Decretu Sindacali n. 75/2022.
